



Шошмо эл, порымлык да рин бер!

8-ше (3344) №,
2018 ий 24 февраль,
шуматкече.

ЯМДЕ-ЛИЙ

1933 ий 1 февраль годсек лектеш.

0+

#ЭнВианАрмий



23
февраль –
Шочмо элым
аралышын
кечыже


Илья ГРИГОРЬЕВЫН сүретше.
Шернур, Марисола.

Пайрем түрлө
семын лүмдалтын:

- ★ Йошкар Армий кече.
- ★ Йошкар Армийлан пөлек-
лалтше кече.
- ★ Вооружённый вий да
Военно-морской флот кече.



Олык Ипай лүмеш Марий комсомол
премиын лауреатше
Альбертина Иванован
сылнымут пашаже «Ямде
лий» гыч тўналын. Кумдан
чапланыше поэтессе
Анналан саламым колта,
редакций деч пөлеклан
тыгай книгаг кычкытена.



Чиялтыза, пүчкын лукса –
пайрем откыртке ямде!

☆☆☆

Мыят армийыш каяш
шонем. Садлан тазалыкем
кажне кечын шуарем. Турни-
кыште 12 гана нөлталалт кер-
там, 45 гана отжиманийым
ыштем, ик минутшто кап-
кылемым 45 гана нөлтал се-
нем. Кажне рвезе армийышке
миен толшаш – тыге шонем.

Алексей ЛЕБЕДЕВ.
У Торъял, Немда.

Эн ойыртемалтше серыш

Кундемнам моктен

Ялна чодыра да курык коклаште вер-
ланен. Ялудо утыжым кугуат, изиат
огыл. Кеҥежым тыште чот моторын
коеш. Чодыраште кайык-влак мурад,
пўяште лудо-колбо йўк шокта, кудывечыш-
те агытан мурадта. Ялыштем кумдан
палыме поэтессе Альбертина Иванова
шочын-кушкын. Мемнан кундемным моктен,
шуко почеламутым возен. А мый эше ол
пале: ала тудын гае поэтессе, ала врач
лиям. Чо кеч-куш каем гынат, шочмо вер-
шоремым эре йораташ тўналам.

Анна АЧДРЭЕВА, 2-шо класс.
Кужэпер, Йошто Йўледўр.



Кызытат шарна



Ачам 1986-1988 ийлаште Германийыште служитлен. Старшина, взвод командирын алмаштышыже лийын. Армиысе түрлө случай нерген мыланна каласкала. Отрядыштышт түрлө национальностян салтак-влак ваш келшен служитленыт.

Алёша БУЛЫГИН.

Советский, Орша.

Йошкар-Оласе кадет-влак «Молодые интеллектуалы России» форум гыч 2 кубокым, 11 медальым да 21 дипломым конденыт.



23 февраль – Шочмо элым аралышын кечыже

Н. СЕМЕНОВАН фотожо.

Йошкар-Оласе 16-шо номеран школын юнarmedеецше-влак Оборонно-массовый да военно-патриотический месячник годым салтак илыш гыч түрлө онайым пален налын-ныт.

Пагалыме

Шочмо элым аралышын кечыж дене шокшын-шокшын саламлем. Жаза да кужу ймыран лий. Мый тый денет кугешнем! Фигунам сар ынже лий! Тек тыныс каваште эре чевер кече онча!

Пайрем дене!

Тыйым йоратыше



Кугешнем

Кочамым, Юрий Николаевичым, мый моткоч йоратем. Тудо школ деч вара Волгоградыште речной училищыште тунемын. Икмыняр жап теплоходышто пашам ыштымеке, уэш шочмо ялышкыже пörтылын. Трактор дене кудалыштын, чонымо пашам шуктен, ферме вуйлатышат лийын. Пеш поро, сай айдеме. Кочамым 23 февраль дене саламлем.

Люда КАЛИНИНА.

Параньга, Матародо.



ойлаш ок йорате. Тынар ий эртен гынат, шарналташ йöсö.

Кочамын «Воину-интернационалисту от благодарного афганского народа», «70 лет Вооруженных Сил СССР» медальже-влак улыт.

Полина БИРЮКОВА.

У Торъял, Кузнеч.

Кечышотым эскере

28 февраль -

Калевалан кечыже.

Карел да финн эпос 50 рун (мура) гыч шога.

1 март -

Наркотик ваштареш кучедалме кече.

Псков ВДВ дивизийын 104 полкшын парашют да десант 6-шо ротын воинже-влакым шарныме кече. 2000 ий 1 мартыште Аргун уцельеште геройло подвигым ыштенныт.



Йоча да самырык-влаклан «Моя семейная реликвия» да «Семейная реликвия» национальный премий конкурс-влак увертаралтыт. www.relikviya.ru, www.офк.рф, www.velera.ru сайтлаште ончыза.

Йот мландыште

Кочам Николай Филиппович Бирюков 1980 ийыште Ташкент олаш служитлаш логалын, пел ий гыч Афганистаныш колтеныт. Тушто кочам ЗИЛ дене кудалыштын. Шуко гана засадыш логалыныт. Икана кочам Термез ола воктене шкенан ял гычак Николай Якшовым вашлийын, тутат сарыште водитель лийын. Но йолташыже мөнгыжö пörтылын огыл. Кочам тиде сар нерген шуко

Увер быр-быр

20 февральыште Мер-политик рüдерыште Россий Федерацийын калык художникше А.С.Бакулевскийын «Чёрная акварель войны» выставкыже почылтын.

Патыр геройын лүмжö курым мучко калык шымшыт ила.

Мари Эл гыч Максим 16-шо февральыште лекше «Юзо пасу» телешошто Леонид Якубовичлан Йошкар-Ола нерген почеламутым лудын.

23 февраль 2002 ий гыч веле каныш кечылан шотдалтем.

Миклай Казаковын 100 ияш лүмгечыжлан пöлеклалтше «Поэзий – йоратыме йолташем» ончер Т.Евсеев лүмеш Национальный гоштерыште почылтын.

Салтак мала гынат, чыла колеш.

Российыште эн изи герой 7 ияш Женья Шабакон акажым аралышыла колеш.



МАРИЙ МУТЧО



ГРИГОРЬЕВА
Людмила Яковлевна,
филологий шанче кандидат, доцент

Шочмо вер: Морко район Шап Унчо ял.

Шочмо кече: 1973 ий 22 июль.

Тунемме вер: Ямбатыр тўналгыш школ (1984 ий). Унчо кыдалаш школ (1990 ий). Марий кугыжаныш университетысе историй да филологий факультет (1996 ий). МарГУ пеленысе аспирантур (2002 ий).

Диссертаций теме: «Глагольное управление в восточном наречии марийского языка».

Паша корно: 1995-1997 ийла – Марий Эл Республикысе Политехнике лицейыште марий йылме ден литературым туныктышо. 2000-2003 ийла – Марий кугыжаныш университетысе финн-угор филологий кабинет вуйлатыше; 2003-2006 ийла – финн-угор йылме-влак кафедрын кугырак туныктышыжо; 2006-2010 ийла, 2014 ий гыч – доцент. 2008-2013 ийла – В.М.Васильев лўмеш Йылмым, сылнымутым да историйым шымлыше марий институтын кугырак шанче пашаенже. 2013-2016 ийла – МарНИИЯЛИ-н учёный секретарьже; 2016 ий гыч – директорын алмаштышыже.

Шымлыме паша: 40 утла шанче пашан да тунемме пособийын авторжо.


- Людмила Яковлевна, йоча годым кō лияш шоненат?

- Йоча годым школла модмаш эн йоратыме лийын. Йолташем-влак мыйым эре туныктышлан ойыренят. Шарнем, эше пырысымат туныктем ыле. 3-шо классыште туныктышем В.Г.Егоров мыланем урокым эртараш ўшанен. Тиде паша мыланем тунамак келшен. Кугурак класслаште йылме ден сылнымутым туныктышо-влак, кумылемым шижын, илыш корным ойыраш полшенят. Тўналгыш школ гыч университетым тунем лекмеш, туныктышем-влак кугу опытан, сай лийыныт. Авам тўрлō амаллан кōра кўкшō шинчымашым налын кертын огыл. Тудын «Ўдырем, мыйын олмешемат тунем» манмыже чонешем келге палым коден, кыртмен тунемаш да туныктышо професийым ойырен налаш шўкалтышым ыштен, шонем.

- Шанче пашалан кунам шўмангынат?

- Филологий науко доктор, профессор Ю.В.Андугановын вуйлатымыж почеш визымше курсышто эрвелмарий диалект ойыртемем шымленам, диплом пашам возенам. Юрий Владимировичак аспирантурыш тунемаш пураш темлен, пашамын вуйлатышыже лийын. Диалектлаште глаголан управлений – марий йылме наукашто икымше шымлыме паша. Ялкутыртыш ойыртемем синтаксис кўкшытыштō шымлымаш тымарте лийын огыл. Диалектологий экспедиций дене Пошкырт кундемысе тўрлō районышто, Виче кундемыште лияш пернен. Йылме материалым погымо пашажак информант-влакын полшыштан кōра моткоч келге, кўкшō лектышан лийын. Шочмо кундемем татар ял лишне верланен. Сандене мутвундышто ятыр икгайлык шижалтеш. Тидат эрвелмарий-влак дене мутланымаште полшышым пуэн.

Л.ГРИГОРЬЕВА мутланен.



Рушла-марла мурем



Виктор Апталік, АРТАЛІК ГИТИС-н выпускникше, муризо, артист, продюсер, аранжировщик, «Юмынұдыр» мюзикльн солистше. «Ял үмбалне мужыр йүксө» кинофильмште модын.

– Мый шке мурыштем чўчкыдын руш шомак-влакым кучылтам. Иктышт маныт, пуйто мый тидым лўмын ыштем, шке ўмбакем ончалаш таратем, весышт йонылыш ыштет маныт, а кумшышт мокталтат. Мый рушла кутырышо марий рвезе улам. Руш йылме – мыйын шочмо йылмем. Марий йылме – коча-ковамын йылмыже. Мый тудым моткоч пагалем, аклем. 2010 ийыште марий йылмым тунемаш тўналынам. Очыни, те шижыда: мый мурыштем тыгай проста,

но тыгодымак келге шонымашан руш мут-влакым кучылтам. Мутлан: я тебя люблю, твой поцелуй, обычная счастливая семья. Нине мут-влак кеч-могай йылмыштат моторын йонгат. Кызыт тыгай пагыт: марий ен-влак чўчкыдын руш мут-влакым кучылтыт. Тыште нимогай өрмаш лийшаш огыл. Тиде мемнан илыш, мемнан пагыт. Ме Российыште илена. Руш йылме – кугыжаныш йылме. Мыйын шонымаште, и марий йылмым, и руш йылмым пагалыман.

Н.ЯМАЕВА мутланен.

Черемис кушеч лектын?

XVI-XVIII курымлаште марий ден чуваш-влакым «черемис» («цармис») манын лўмденыт. Тыге возымо «Повесть временных лет» руш летописьыште аралалт кодын. «Черемис татар» манмат вашлиялтеш.

«Черемис» мутым шукуж годым чере (чар, сар) племена гыч улшо енда сарзе, чодыраште илыше ен манме значений дене кучылтыныт.

Калыкнам «марий» манаш тўналмылан тений 100 ий темын.

«Марий» – марий калык шкенжым шке тыге лўмден. Йылмызе-влак тыге умылтарат: тиде мут «айдеме», «марий, пелаш» манмым ончыкта. «Мар» («мер») индоевропейский йылме гыч лектын, маныт.

Тый кузе шонет?

Марла эртаралтше мероприятийым мый шуко палем. Мутлан, «Чавайн», «Колумб», «Олык Ипай» лудмаш-влак. Южо яллаште марла кумалтышым эртарен шогат. Тиде пеш сай. А южгуннам вес сўретым ужнына: телевизорышто марла передаче кая, а сайын да чын марла мутланен огыт мошто. Калыкмут уло: «Марий улам – марла ойлем». А мемнан кызыт тупела лекмыла чучеш: «Марий улам – рушла ойлем».

Леонид АНДРЕЕВ.

Морко, Шўргыял.

О буква алфавитла-се буква-влак коклагыч эн акретлан шотлалтеш.

Мут поянлык

Мо тугай фразеологий? Фразеологизм – тиде кок але утларок мутан, вончештарыме значенияны кўэмалтше муткылдыш але предложений. Йылмызе Ф.Т.Грачеван книгажлан энгертен, у рубрикым почына. Теат ушныза. Келшыше фразеологийлан сўретым колтыза.



Йылмым петыраш (тўкылаш, суралаш) – иктаж-көн ойлымым чараш, ойлаш эрыкым пуаш огыл.

Чыве гай (чывыла, чыве семын) во-заш (удыркалаш) – пеш шўкшўн, ариктирик возымо го-дым тыге ойлат.



Мондалтеш шочмо йылме

Шочмо йылме илышыште пешак кўлешан. Шке калыкым аклымаш шочмо йылме гыч тўналеш. Шочмо йылме – ава шўр дене шыгыше поянлык. Но кызытсе саманыште тудо йомын толеш. Ала элысе саман тыге кўшта, ала илыш вашталтын. Молан вара таче тыгай йодыш лектеш?

Пошкырт кундемысе школлаште марий йылме деч йўкшымашын амалжым мый теве кушто ужам:

➤ Школышто марий электрон учебник-влак уке улыт.

➤ Библиотекекыште марла у книга уке, улыжат тошто.

➤ Икымше классыш толшо йочалан марла нимом ончыкташ.

Илыш ик вере ок шого, эре ончыко кая. Йоча кумылым ужын, марий книгаг шукурак савыкташ кўлеш, тыге тунемше да йоча-влакат марий йылмылан шўмангыт.

Карина ВАЛТИЕВА.
Пошкырт, Илиш, Базитамак.



Ойөрө мо нерген ойла

Марий калыкын илышыштыже «ок йөрө» шомак түн верым айла. Тушто икте-весе дене мутланыме, шкем кучымо ойыртемем муаш лиеш. Ойөрө устный поэтический творчествын (фольклорын) посна жанржылан шотлалтеш. Мутлан, тыгай калыкмутым налаш: «Рушын мурыжо ок пыте, марийын ойөрөжө»

Ойөрөн чоңалте ойыртемже тыгай: икымше ужашыште «ок йөрө» шомак уло; кокымшышто – чарымым от шукто гын, мо лийын кертмым умылтарымаш. Мутлан, «Ен нерген шойыч удам ойлаш ок йөрө – умшат пужла. Еным шылталаш ок йөрө – шкаланет савырна».

Моктанаш, иктаж-кө але иктаж-мо дене кугешнаш огыт темле. Ойөрөм пудыртышылан ойлат: «Йылмешет кукшо кошарге».

Ойөрөштө ача-ава, кугыен-влак, родо-тукым кокласе кыл поснак палемдалтеш: «Кугыенлан ваштареш ойлаш ойөрө», «Ача-авалан торжа мутым ойлаш ойөрө – үмыр

мучко рыскалан (пиалан) от лий», «Ача-авалан икшывым шудалаш ойөрө – мутет шуэш, энгек лиеш, икшыветым йомдарен кертат». Мутлан, ава иктаж-мом 40 гана ойла гын, тудо садиктак шукталтеш, маныт. Шке нерген ойлымо мутат тыгаяк вяян.

Марий калыкын ойөрөжө шке нерген шуко ойлаш ок күштө: «Пиалет нерген ойлаш ойөрө – шинча возеш», «Икшыветым моктен ойлаш ойөрө – шинча возын кертеш».

Икте-весе дене мутланыме годым торжа шомакым кучылташ ок лий: «Ен дене сөйгедалаш (вурседалаш) о йөрө – түсет шемемеш» але «Енын йочажым шудалаш ок йөрө – чыла шке шочшетлан але уныкатлан

логалеш».

Ойөрөм калык кызытат пала да шукта. Вет тудо илыш дене кылдалтын. Ойөрө осал паша, уда шонымаш деч коранаш полша. Ача-ава, коча-кова, родо-тукым кокласе кылым пенгыдемдаш, шкем тыматлын кучаш туныкта.

Л.А.АБУКАЕВА,
филологий науко доктор, профессор.

Ондалаш чарымаш ойөрөш пура. Тыгай годым «йылмет пужла» але «Юмо савырнен шогалеш» ойсавыртыш-влак кучылталтыт. «Шоныде ойлаш ок йөрө – ен өпке вачышкет нелын возеш» ойлончо поснак пенгыдылан шотлалтеш. Утым каласен кертше айдеме нерген тыге ойлат: «Йылмыжым эрыкыш колта».

Күнчылам шудырена



Күнчылам шудырымө годым межым чокан пұтырал луктат гын, шүртө күжгү лиеш; изин – вичкыж.

Шудырым шу-кырак пörдыктет гын, шүртө пенгыде лиеш; шагалрак йырым ыштет – шүртет пушкыдо лиеш.

«Поэт Николай Семенович Мухинын корныж дене» к р у ж о к н а н черетан заняти й ш т ы ж е туныктышына Лев Александрович Сошин «Кузе меж гыч шүртө шочеш» мастер-классым ончыктыш. Күнчыла в о н д ы м , межым, шудырым тудо музей гыч кондыш. Енын шудырымжым ончаш пеш сай, да шот-радамжым сайын палыман. Меат күнчылам шудырен ончышна. Толашет гын, лектеш, кумылет веле лийже.

Валерия ПЕТРОВСКАЯ,
5-ше класс.
Морко, Купсола.

Йўлана илана

Шуматкечын – мончашке

Ме кажне шуматкечын мончаш пурена. Мончам авам ямдыла. Ожно эн ондак пörьен-влак мушкылтыныт, а кызыт көн жапше яра – тудо кая. Шокшым пуэн, ме лōкамбаке күзен шинчына. Вара капкылнам куэ вынык дене кырена. Вынык тамлетамле пушым шара.

Монча гыч толмеке, уэш шочмыла веле чучеш. Могыр куштылемеш, нойымо йомеш.



– Чер куэ вынык деч лүдеш, капкыл гыч чоша, – воштылеш авам.

Ангелина ОГНЕВА,
Морко,
Коркато.

*Финн-угор калыкмут
Мончаште черле енат
эмлалтеш. (Коми)
Вынык деч посна монча –
шинчалтыдыме шүр дене
иктак. (Эстон)*



Одо
кундем
гыч увер

Каракулинский районысо Ныргындыш ял книгагудышто Шочмо йылмын кечыжлан пöлек-лалтше мероприятий эртен. Йоча-влак тунямбалсе кажне йылмын куатле улмыж нерген мутланеныт. Марий калык пайрем да йула, талешке-влак нерген пырдыжгазетым луктыныт. Уш-акылыштым тергеныт, почеламутым рушла да марла лудыныт, текстеште йонгылышым тöрлатылыныт.

Георгий ЕФРУШ (Ефремов Георгий Захарович) 1916 ийыште Морко район Макарсола ялеш шочын. Туныктышылан, МарНИИ-ште ыштен. 1941 ийыште колден. Кум пьесым, ойлымаш сборникым луктын. 1975 ийыште «Шошо» книгаже савыкталтын.



Шуко точко олмеш онгысо мут-влак гыч келшышыжым шынден, Г.Ефрушын ойлымашыже-влакым палыза. Кудо произведений келшен?

❖ «Ыштет – ..., ... – от коч.

❖ ... вол.

❖ Куд ... сун.

❖ Эше мо ...?

❖ ... муро.

❖ ... айдеме.

(Орван, тошто, кочкат, күлеш, чондымо, уке, шелше.)

В.СМИРНОВ.

Ушан ой
Йылмына курымла гоч кугезына-влак деч мемнан деч толын шуын, волгалтын, атыланен. Шуко возыктыш ден книга-лаш куллаш лийдымын пентгыдемын. Тугеже тудо йомшаш огыл.

С.Д.ДМИТРИЕВ, йылмызе.

Марий йылмыште пале мут синонимлан поян.

Йöратыме йолташем

«Ямде лийым» йöратем, Пайрем дене саламлем! Тудо шерге йолташем, Чыла сайым тыланем. Чыла тушто тый лудат – Шуко мом пален налат. Угыч кугарня шумек, Шуматкечым тый вучет. «Ямде лийым» вашлияш, «Ямде лий» дене келшаш Ёжам тыйымат, йолташ, Лийына тан умыраш.
Юлианна ЕРМОЛАЕВА. Марий Турек, Сардаял.

«Ямде лий» газетлан – 85 ий

Изиат да кугуат «Ямде лийым» окат. Кеч эрталже шүдö ий, Кодеш рвезе «Ямде лий».



Морко район Арын школын 3-шо классыштыже тунемше-влак «Сескем» кружокыш коштыт. Нуно «Ямде лий» газетым лудыт, поэт ден писатель-влакын илыш корныштым да произведенийыштым шымлат, заметкым возаш тунемыт. Поснак Александрова Эдитам, Иванова Катям, Иванова Аннам палемдыман. А шуматкече еда «Ямде лий» газетым шүм вургыж вучат.

О.А.ВАСИЛЬЕВА.

Омо кончен

Ик эрдене омем лугыч лие. Помыжалтым, туп-туп-туп шокта. Уремыште ушкал пöрт пырдыжым тукен шогылтеш улмаш. Умбакеже тиде йуклан келшыше омым ужын кием. Пуйто война тунгалын: пушко дене бун-н, автомат дене тр-тр-тр луйкалат. Йырваш йылт-йолт коеш. Теве пудештме йук бздү-үн! шоктыш. Мыят пуйто сой пасушто кредалам, теве ончылнем тушман койлалтыш – шүмемлан шу-уй чучо. Лүдмем дене кынеш шинчым. «Фу-у, йöра кеч омо гына», – кугун шүлалтен шоналтышым.

Марина УРАЗАЕВА. Морко, Шүргыял.

Онартыш мут-влакым кычалза.



бздү-үн



Кодшо арнян Арын школын удыр-рвезыже-влак редакцийыштына уна лийыч.

2018 ийын I пелыжлан увертарыме лотерейым иктешлаш жап шуо. Чылаже 89 квитанцийым налынна. Көлан могай пөлек логалын – тўткынрак ончалза.

Фоторамке – Петухова Р.Л. (У Торъял, Кугу Кемсола); **понар** – Никифорова Г.П. (Волжский, Сотнур); **юж ароматизатор** – Осипова Г.Д. (Волжский, Кожласола); **«Тенгыз воктенысе веранде» пазл** – Осипов А.А. (Шернур, Лажъял); **«Маша ден Маска» пазл** – Евсюткина Л., (Морко, Шлань); **эгырвоштыр** – Григорьева Г.Г. (Морко, Кугу Шале); **кружка** – Семёнова Н.А. (Параньга, Ондропсола); **кружка** – Волков А.П. (Советский, Кодам); **киндерке** – Фурзикова Н.П. (Советский, Кельмаксола); **тўрлө тўсан резинке-влак** – Нефонов С.С. (Кужэңер, Шўдымарий); **лампе** – Николаев В.В. (Морко, Йогорсола); **вешалке** – Александрова Т.В. (Кужэңер, Кугу Чарнур); **органайзер** – Андрианова С.А. (Морко, Изи Корамас); **дартс** – Егоров Е.Ф. (Марий Турек, Лўсэнгер); **«Ялысе кенез» лото** – Петухова Н.В. (Морко, Пумыр);



Лотерей

Тўн призна, **скейтборд**, **Нина Николаевна Огневалан** (Морко, Коркатово) логалын.

мозаике конструктор – Шамтиев Г.А. (Оршанке, Кугунур); **шерге-влак** – Софронова Л.А. (Шернур, Ономучаш); **ияш онго** – Тимофеев К.П. (Волжский, Шўргыял); **«Зоопарк» лото** – Таныгина Т.Г. (Кужэңер, Тумньымучаш); **фотоальбом** – Попов Г.Ф. (Марий Турек, Лоп); **янлык-влак модыш** – Пекпулатова Э.В. (Шернур, Эңермучаш); **карандаш-влак** – Сергеева Л.Ю. (Морко, Изи Кушна); **карандаш-влак** – Лебедева Э.Н. (Кужэңер, Саламатнур); **мече** – Окунева З.И. (Медведево, Пурсанур); **салат ате** – Матвеева В.Г. (Морко, Янгуш); **ежедневник** – Подбойкин В.А. (Морко, Коркатово); **100 чупа-чупс** – Васильева З.И. (Параньга, Олор); **«Ямде лий» газетлан подписке** – Рыбаков А.В. (Шернур, Шўдымарий);

книга набор – Терехова Т.Н. (Йошкар-Ола).

Налза, лудса «Ямде лий» газетым. Вес ганат лотерей модмашке ушныза.



Телымсе кава нөлталташ тїжалеш – шошо лишемеш.



Сїретым чиялте.

Синквейн

Теле
Мотор, волгыдо.
Толеш, сорастар, куандара.
Идалыкын жапше.
Шорыкйол.
Наташа ИВАНОВА.
Советский, Орша.

Теле куан

Вика йолташем дене коктын Комаер курыкышто ечыгорным ыштышна. Школ гыч толмек, ечим чиен, корным пенгыдемдышна. Мемнам ончен, пошкудо-влакынат ече дене кошташ кумылышт лекте.

Катя ЕГОРОВА.
Морко, Эңерсола.

Мастар!



Телым пөртїымалне ужава кычкыра гын, лум лиш.

Ксюша дене ме пошкудо улына. Школышто пырля тунемына. Тудын Карина шўжарже да Рома шольыжо улыт. Ксюша шонен лукташ мастар: теве лум гыч модыш пөртїым ыштен, туштак окнам, конгам, капкам кельштарен. Южгунам ме сырена, но пеш вашке уэш келшена.

Сева НИКИТИН.
Кужэңер, Шўдымарий.

Шоган шочын



Ужар шоган гыч ыштыме теве тыгай корзинга пайрем үстелым сораастара.

У Арбан йочасадыштына шоганым шындышна. Кажне кечын вудым шавышна, кушмыжым эскерышна. Теве тыгай ужар шоган шочо! Тудым кечывал кочкышыш пыштат.

И. СЕМЕНОВА,
воспитатель.
Медведево район.

КОНКУРС! «Ончалза, могай мастер!»




Мый крочок дене телефонлан чехолым, пырысым, курчакым, мерангым да молымат пидынам. Бисерым кередаш йөрәтем: пеледыш, гитар, шер аршаш, кидшол да янлык-влак ятыр погыненыт. Тыгак тасма гыч бантикым, ободокым, брошкым, пеледышым ыштылам. Эн чот сүретлаш йөрәтем.

Катя РЫБАКОВА.
2-шо номеран
Шернур школ.

2 март – Шырпын кечыже

Рыбинск олаште шырпе музей уло.



ТУШТО

- ✗ Кок ала-шам үчашен кудалеш.
- ✗ Ерышкем изи кеса вола.

Шырпе гыч ыштыме шудырыштө 6 изи да 2 кугу треугольником ужыда.

Заданий: Кок шырпын верышт дене туге вашталтыза, куд треугольник кодшо.



Вот вет, кузе вет!

Офицер сал-так-влак деч йодеш:

- Тендан коклаште музыкант-влак улыт?
- Улыт, товарищ майор.

Синк-вейн

Ача Виян, ушан.

Арала, туныкта, полша.
23 февральын геройжо,
Патырна.

Гена СКВОРЦОВ.
Морко, Шүргыял.

– Приказ –
п и а н и н о м
шымше пачашыш
күзыкташ!

Шырпе дене ида мод!



– Мику, кушкын шумекет, тый могай войскаште служитлаш шонет?

– Морфлотышто! – кугешнен вашешта Вачи. – А тый?

– Мый танкист лийнем.

Йоча-влак, Мику ден Вачилан Россий армийысе войска-влакым ойыраш полшыза. Мужырым кычалза.



Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 362. Формат – А-4-8. Директор-тун редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.ru,
Тел. 8(8362) 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийн адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службн Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

Газетым Печать да массовый коммуникаций шотышто Федерал агентствын окса полшыж дене лукмо.

0+

Соцсетгысе адрес-влак:
ok.ru/yamdelii
vk.com/yamde_lii

Авторын да редакцийн шонымашышт түрлө лийын кертыт. Серыш-влак мөнгеш огыт колталт.

Ак – кутырен келшыме почеш.

Редакцийн да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20.